



Jumat, 17 Maret 2023
Ogen: 1 Samuel 4:19-20



Nampati Ras Mpegegehi



Ibas kegeluhen enda nterem kal kita perlu teman. Guna jadi teman, nampati, mpegegehi kita i bas kerina paksa-paksa kegeluhen. Enda ngataken maka erbatas kal kita i bas kerina kecibal geluhta. La terjeng keperluan daging kula tapi pe pertendinta. Salah sada si perlu kal kita i bas kegeluhenta e me i bas njagai kesehatennta, la saja mpepalem pinakit alu mereken tambar ras ngerawatsa tapi pe mpegegehi alu mereken motivasi man banta sanga kulata lemah i bas ngalaken pinakit e.

Bagenda ituriken i bas renungenta paksa enda, e me bermain imam Eli, ndehara Pineha sisangana mehuli kulana dengen seh me paksana mupus anak si bas bertinna. Kote kal ia, pusuh ras ukurna la tenang sabap berita si ibegina perbulangen ras bengkilana enggo mate. Sanga mehuli kula e me kecibal sisangana paksana lemah kal, e maka perlu kal ukur si teneng, pengarapen si mbelin. E maka diberu si sangana mehuli kulana ras si mupus perlu kal imotivasi adi lang banci stress, depresi ntah pe 'babyblues sindrom'. Bage kecibal ndehara Pinehas enda janah diberu diberu ntah pe bidan(ind.) nampati dengen nehken kata pergegeh 'piherkenlah ukurndu! Enggo ipupusndu sekalak anak dilaki'. Tapi kepe lanai ngasup mpegegehi ia ngalaken situasi e.

Bage me perawat ntah pe bidan paksa e nampati kalak simupus dengen seh asa genduari kita perlu ahli medis guna nambari kita. Wari enda e me wari perawat nasional, i ja paksa e me ibenaken organisasi perawat enda. E maka sitotoken kerina perawat ntah pe ahli medista gelahna ia sehat-sehat ras banci alu meteruk ukur ras ukur meriah ndampingi kalak si sakit alu dem keleng ate. Dingen arah 'sentuhen' ras kata sibelaskenna reh pedasna malem si sakit.